

ORDE do 23 de decembro de 2025 pola que se establecen as bases reguladoras das axudas para os investimentos en transformación e comercialización de produtos agrarios, cofinanciadas polo Fondo Europeo Agrícola de Desenvolvemento Rural (Feader), e se convocan para o exercicio orzamentario de 2026. Consellería do Medio Rural. (DOG N° 10, 16/01/2026).

Obxecto

Esta orde ten por obxecto establecer as bases reguladoras das axudas da Consellería do Medio Rural para os investimentos en transformación, comercialización e/ou desenvolvemento de produtos agrícolas, cofinanciadas polo Fondo Europeo Agrícola de Desenvolvemento Rural (Feader), e convocar as correspondentes ao exercicio orzamentario de 2026.

As axudas tramitaranse polo procedemento de **concorrenza competitiva**, para dous tipos de intervencións:

Intervención 6842.1. Axudas a investimentos con obxectivos ambientais en transformación, comercialización e/ou desenvolvemento de produtos agroalimentarios.

Intervención 6842.2. Axudas a investimentos en transformación, comercialización e/ou desenvolvemento de produtos agroalimentarios.

O código de procedemento é o **MR340A**.

Beneficiarios

Poderán acollerse a estas axudas os **empresarios individuais ou sociedades** que sexan ou vaian ser **titulares de instalacións obxecto da axuda dedicadas á transformación e/ou comercialización de produtos do anexo I** do Tratado constitutivo da Comunidade Europea, e sobre as cales recaía a carga financeira dos investimentos e gastos que se consideren incentivables.

INVESTIMENTOS SUBVENCIONABLES

1. Considéranse subvencionables, con carácter xeral, **os investimentos en activos fixos materiais para a creación, ampliación e modernización das instalacións situadas en Gali cia destinadas á transformación e/ou comercialización de produtos agrarios, considerando como tales os produtos enumerados no anexo I** do Tratado constitutivo da Comunidade Europea, excepto os produtos da pesca. Así mesmo, poderán subvencionarse **investimentos relativos a procesos de transformación nos cales interveñan produtos non incluídos no anexo I do Tratado, se estes son un compoñente menor do produto final**. Considerarase que son un compoñente menor cando a cantidade ou valor económico total deles non supere o 25 % do peso ou valor económico total do produto final.

2. Os produtos resultantes dos procesos de transformación e/ou comercialización poderán ser produtos agrarios (incluídos no anexo I do Tratado) ou non agrarios (non incluídos no anexo I do Tratado). Para estes efectos considerarase que os produtos resultantes dos procesos de transformación e/ou comercialización son produtos agrarios cando a súa totalidade estea incluídas no anexo I do Tratado.

3. Non obstante, **non serán subvencionables**:

a) Os proxectos en que o importe total dos investimentos subvencionables sexa inferior a 60.000 €.

b) No sector vitivinícola os proxectos con investimentos solicitados por un importe total igual ou superior a 100.000 € relativos aos produtos descritos no anexo VII, parte II, do Regulamento UE nº 1308/2013, xa que poden ser subvencionados a través deses programas específicos.

c) Os investimentos incluídos no artigo 73.3 do Regulamento (UE) nº 2021/2115.

4. **Os tipos de gasto subvencionables son os seguintes**:

a) **Construción, adquisición e mellora de bens inmobles.** A compra de terreos ata un valor inferior ao 10 % do total dos gastos subvencionables.

b) **Compra de maquinaria e equipamentos novos,** ata o seu valor de mercado.

c) **Os seguintes investimentos intanxibles:** adquisición ou desenvolvemento de programas informáticos así como adquisicións de patentes, licenzas, dereitos de autor e marcas rexistradas relacionadas cos procesos produtivos.

d) **Os custos xerais vinculados as letras a) e b) anteriores consistentes en honorarios de proxecto e dirección de obra, así como en estudos de viabilidade.** En todo caso, o importe admisible nestes custos non poderá superar o 12 % do importe total dos investimentos subvencionables das letras a), b) e c) anteriores.

5. Non serán, porén, obxecto de axuda os investimentos relativos aos conceptos e actividades sinalados no anexo I desta orde.

Contía das axudas

As porcentaxes máximas de axuda serán as seguintes:

Tipos de produtos finais	Tipo de empresa solicitante		
	Microempresas e pequenas empresas	Empresas medianas	Empresas non pemes
Incluídos na súa totalidade no anexo I do Tratado	50 %	50 %	50 %
Non incluídos na súa totalidade no anexo-I- do Tratado	35 %	25 %	15 %

3. En calquera caso, o importe da axuda concedida mediante esta orde a un proxecto presentado non superará os importes indicados a continuación, aplicables por tramos do investimento subvencionable total e establecidos en función da puntuación derivada da aplicación dos criterios de valoración mencionados no artigo 14:

Investimento subvencionable (tramos do seu importe total)	Importe máximo da axuda (para cada tramo do investimento total subvencionable)	
	Puntuación menor de 40 puntos	Puntuación entre 40 e 55 puntos
	Importe máx. Por tramo	Importe máx. Por tramo
Ata 2 mill. €	400.000,00 €	500.000,00 €
Exceso de 2 mill. € ata 4 mill. €	300.000,00 €	400.000,00 €
Exceso de 4 mill. € ata 6 mill. €	200.000,00 €	300.000,00 €
Exceso de 6 mill. € ata 8 mill. €	200.000,00 €	300.000,00 €
Exceso de 8 mill. € ata 10 mill. €	200.000,00 €	300.000,00 €
Exceso de 10 mill. € ata 12 mill. €	200.000,00 €	300.000,00 €
Exceso de 12 mill. € ata 15 mill. €	200.000,00 €	300.000,00 €
Exceso de 15 mill. € ata 18 mill. €	200.000,00 €	200.000,00 €
Exceso de 18 mill. € ata 21 mill. €	200.000,00 €	200.000,00 €
Exceso de 21 mill. € ata 25 mill. €	200.000,00 €	200.000,00 €
Exceso de 25 mill. € ata 30 mill. €	200.000,00 €	200.000,00 €
Exceso de 30 mill. €	200.000,00 €	200.000,00 €

Aos proxectos cunha **puntuación superior a 55 puntos** non se lles aplicarán limitación ningunha do importe de subvención por tramos de investimento.

4. Así mesmo, o importe da subvención ou subvencións concedidas a un mesmo beneficiario non será superior a 3.000.000 € cando o investimento total subvencionable non chegue ao importe de 15.000.000 €, e non será superior a 5.000.000 € cando o investimento total subvencionable sexa de 15.000.000 €. ou maior.

Prazo de solicitude

O prazo de presentación de solicitudes estará aberto dende o 17 de xaneiro ata o vindeiro **16 de febreiro de 2026**